



ADMINISTRACIÓN LOCAL

MUNICIPAL

BERGONDO

Secretaría

Nomeamento integrantes da Xunta de Goberno Local

Nomeamento integrantes da Xunta de Goberno Local

Con data 21 de xuño de 2023, por esta alcaldía ditouse a Resolución nº 742/2023, que deseguido se transcribe íntegramente:

«Alejandra Pérez Máquez, alcaldesa-presidenta do Concello de Bergondo (A Coruña)

Nomeamento dos membros da Xunta de Goberno Local

Expediente. 2023/G005/000001

Constituída a nova Corporación municipal o pasado día 17 de xuño de 2023, como consecuencia das eleccións locais celebradas o pasado 28 de maio.

Segundo o disposto nos artigos 23 da Lei 7/1985, de 2 de abril, reguladora das bases do réxime local, artigos 59.2.b) e 65.1 da Lei 5/1997, de 22 de xullo, de administración local de Galicia, e artigo 35.2 do Real decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais, a Xunta de Goberno Local é un órgano necesario do Concello, e se integra polo alcalde-presidente e un número de concelleiros non superior a un tercio do número legal de membros da Corporación que é de trece, sen que para este cómputo se teñan en conta os decimais.

Corresponde á alcaldía o nomeamento dos membros da Xunta de Goberno.

Polo que no uso das atribucións legalmente conferidas, pola presente, **RESOLVO:**

PRIMEIRO. Nomear como membros da Xunta de Goberno Local ós/ás seguintes concelleiros/as:

D. Juan Antonio Fariña Pedreira

D^a. Patricia María Vázquez Figueroa

D^a. María del Pilar Barja Val

D. José Ramón Lorenzo Carou

SEGUNDO. Convocar a sesión constitutiva da Xunta de Goberno Local para o día 29 de xuño de 2023, ás 14:00 horas, na Casa do Concello de Bergondo.

TERCEIRO. Da presente resolución, darase coñecemento ao Pleno na primeira sesión que celebre consonte co artigo 38 do ROF, notificándose ademais persoalmente aos interesados e publicarse no Boletín Oficial da Provincia, sen prexuízo da súa efectividade a partir do día seguinte ao da data, conforme se indica no artigo 52.4, en relación co artigo 46 do Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais.

En Bergondo, mércores 21 de xuño de 2023.

A alcaldesa. Alejandra Pérez Máquez.

Dou fe; a secretaria. Ana María Cacharrón Castelos»

Bergondo, 26 de xuño de 2023

A alcaldesa-presidenta

Alejandra Pérez Máquez



ADMINISTRACIÓN LOCAL

MUNICIPAL

BERGONDO

Secretaría

Delegacións da Alcaldía na Xunta de Goberno Local

Delegacións da alcaldía na Xunta de Goberno Local

Con data 21 de xuño de 2023, por esta alcaldía ditouse a Resolución núm. 744/2023, que deseguido se transcribe íntegramente:

«Alejandra Pérez Máquez, alcaldesa-presidenta do Concello de Bergondo (A Coruña)

Delegacións da alcaldía na Xunta de Goberno Local

Expediente: 2023/G005/000001

Constituída a nova Corporación municipal o pasado día 17 de xuño de 2023, como consecuencia das eleccións locais celebradas o pasado día 28 de maio; mediante Resolución da alcaldía núm. 742/2023, do 21 de xuño, nomearonse os membros da Xunta de Goberno Local e convocouselles a sesión constitutiva.

Visto o disposto nos artigos 21.3 e 23 da Lei 7/1985, de 2 de abril, reguladora das bases do réxime local; artigo 65 da Lei 5/1997, de 22 de xullo, de administración local de Galicia; artigos 43.1.e 2; 44; 52; 53; 114 a 118 do Real decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais;

Visto que o artigo 23.2 da Lei 7/1985, de 2 de abril, establece que correspóndelle a Xunta de Goberno Local a asistencia ao alcalde no exercicio das súas atribucións e as atribucións que o alcalde ou outro órgano municipal lle delegue ou lle atribúan as leis;

No uso das atribucións legalmente conferidas, consonte cos artigos 21.3 da Lei 7/1985, de 2 de abril, e 43.1, 44 e 114 do Real decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais, pola presente, **RESOLVO:**

PRIMEIRO.- Delegar na Xunta de Goberno Local, de forma expresa mediante a presente resolución, as seguintes atribucións:

1. O outorgamento de toda clase de licenzas competencia da alcaldía, agás as de ocupación de dominio público e as das festas populares.

2. As contratacións de obras, subministro, de servizos, os contratos de concesión de obras, os contratos de concesión de servizos e os contratos administrativos especiais, cando o seu valor estimado non supere o 10% dos recursos ordinarios do presuposto nin, en calquera caso, a contía dos seis millóns de euros, incluídos os de carácter plurianual cando a súa duración non sexa superior a catro anos, sempre que o importe acumulado de todas as súas anualidades non supere nin a porcentaxe indicada, referido aos recursos ordinarios do orzamento do primeiro exercicio, nin a contía sinalada.

Exclúese da citada delegación o acordo de incoación dos correspondentes expedientes de contratación, a clasificación das proposicións presentadas e a potestade de efectuar os requirimentos de documentación xustificativa ao licitador que presente a oferta máis vantaxosa ao que fai referencia 150 da Lei 9/2017 do 9 de novembro, de contratos do Sector Público.

Igualmente exclúese a tramitación e resolución de adxudicación dos contratos menores.

3. A aprobación de facturas e certificacións correspondentes aos contratos de obras.

4. A celebración de contratos privados, a adxudicación de concesións sobre os bens municipais e a adquisición de bens inmoables e dereitos suxeitos á lexislación patrimonial cando o presuposto base de licitación, non supere o 10% dos recursos ordinarios do Orzamento nin o importe de tres millóns de euros, así como o alleamento do patrimonio, cando o seu valor non supere a porcentaxe nin a contía indicadas.

5. A aprobación das bases reguladoras das subvencións outorgadas en concorrencia competitiva e o acordo da súa concesión.

6. As aprobacións dos instrumentos de planeamento de desenvolvemento do planeamento xeral non expresamente atribuídas ao Pleno, asó como a dos instrumentos de xestión urbanística e dos proxectos de urbanización.

SEGUNDO.- A presente resolución será efectiva dende o día seguinte ao da súa data e será publicada no Boletín Oficial da Provincia da Coruña, en cumprimento do que dispón o artigo 44 do Real decreto 2568/1986, de 28 de novembro, debendo dar conta ao Pleno na primeira sesión que éste celebre con posterioridade á mesma e será notificada á Xunta de Goberno Local, para os efectos previstos no 114 do Real decreto 2568/1986, de 28 de novembro.

En Bergondo, mércores 21 de xuño de 2023.

A alcaldesa. Alejandra Pérez Máquez.

Dou fe; a secretaria. Ana María Cacharrón Castelos»

Bergondo, 26 de xuño de 2023

A alcaldesa-presidenta

Alejandra Pérez Máquez

2023/5082

ADMINISTRACIÓN LOCAL

MUNICIPAL

BERGONDO

Secretaría

Delegación de competencias do Pleno na Xunta de Goberno Local

Expediente. 2023/G005/000001

O Concello Pleno en sesión extraordinaria celebrada o 27 de xuño de 2023, adoptou o seguinte acordo, que se fai público en cumprimento do establecido no artigo 51 do Real decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais:

«**Primeiro.-** Delegar na Xunta de Goberno Local as seguintes atribucións:

1. O exercicio de accións xudiciais e administrativas e a defensa da Corporación en materias de competencia plenaria.
2. A declaración de lesividade dos actos do Concello.
3. As competencias como órgano de contratación respecto dos contratos de obras, de subministracións, de servizos e os contratos administrativos especiais, cando o seu valor estimado supere o 10 por cento dos recursos ordinarios do presuposto ou a contía de seis millóns de euros, incluídos os de carácter pluriannual cando a súa duración sexa superior a catro anos, eventuais prórrogas incluídas, cando o importe acumulado de todas as anualidades supere a porcentaxe indicada referido aos recursos ordinarios do presuposto do primeiro exercicio ou a contía sinalada.
4. A aprobación dos proxectos de obras e servizos cando sexa competente para a súa contratación ou concesión, e cando aínda non estean previstos nos orzamentos.
5. A celebración de contratos privados así como a adxudicación de concesións sobre bens do Concello e a adquisición de bens inmoebles e deritos suxeitos á lexislación patrimonial cando o presuposto base de licitación, nos termos definidos no artigo 100.1 da Lei 9/2017, de 8 de novembro, supere o 10 por cento dos recursos ordinarios do presuposto ou o importe de tres millóns de euros

Segundo.- As delegacións que se acordaron nos apartados anteriores suxeitaranse ao seguinte réxime xurídico:

- a) Os actos que o órgano delegado dite no exercicio das atribucións que se lle delegaron enténdense ditados polo órgano delegante, correspondendo a este, en consecuencia a resolución dos recursos de reposición que poidan interpoñerse.
- b) O exercicio das facultades por delegación deberá facerse constar nos acordos que se adopten, en conformidade co que dispón o artigo 9 da Lei 40/2015, de 1 de outubro, de réxime xurídico do sector público.
- c) O órgano delegante conservará as facultades de recibir información detallada da xestión da competencia delegada e dos actos e disposicións que emanen en virtude da delegación, e debe ser informado con anterioridade á adopción de decisións de trascendencia, de acordo co disposto no artigo 115 do Real decreto 2568/1986, de 28 de novembro.
- d) O Concello Pleno poderá revogar en calquera momento as delegacións que se efectúen seguindo as mesmas formalidades aplicadas para outorgalas.
- e) O Concello Pleno poderá avocar en calquera momento o coñecemento dun asunto determinado de acordo co que dispón o artigo 10 da Lei 40/2015, de 1 de outubro.

Terceiro.- Este acordo adquire efectos desde o día seguinte ao da súa adopción e será publicado no Boletín Oficial da provincia da Coruña, en cumprimento do que dispón o artigo 44 do Real decreto 2568/1986, de 28 de novembro.»

Bergondo, 28 de xuño de 2023

A alcaldesa-presidenta

Alejandra Pérez Máquez